



Ordezko irakasleentzako proposamena Kontuan hartzeko arduraldi-orduak eta soldatak

1- Aitortutako lan-ordu eta soldatari dagokienez:

1a- Arduraldi osoko irakasleen ordezkapenak: lanaldi osoko ordezeko kontratuen bitartez bete, LOSU indarrean sartu arte egin den moduan. Ez onartu LOSUren 80.1 artikulua interpretazio murriztailea.

1b- Arduraldi partzialeko ordezeko irakasleak: arduraldi partzalean kontratatutako irakasleen kasuetan (kargu akademikoak, ...), beharrezkoak diren eta LOSUk onartzen dituen atazak aitortu eta ordaindu.

Aitortzeko lan-orduak zenbatzeko hainbat irizpide erabil daitezke, eta, kasu batzuetan, arazoak/kontraesan batzuk sor ditzakete. Egiten den proposamenak eztabaidatzen ari den JARDUN plan berrian bertan jasotzen den lan-ordu banaketa du abiapuntu.

JARDUN proposamen horretan, arduraldi osoko irakasleentzat, honako kreditu banaketa jasotzen da aktibitate taldeka*:

240 ordu klase (irakaskuntza zuzena).

200-300 oinarrizko kudeaketa (klase ordu bakoitzerako ordu bat).

300-400 ordu formazioa eta eguneraketa (klase ordu bakoitzerako 1,5 ordu)

250 ordu oinarrizko irakaskuntza eta ikerketa aktibitateak, tutoretzak barne (klase ordu bakoitzerako ordu bat).

550 ordu beste ikerketa eta transferentzia aktibitateak (horiek ez litzazkieke ordezkoei LOSUren arabera).

Beraz, klase ordu bakoitzerako beste 3,5 ordu hartzen dira kontuan, gutxi gorabehera ezinbesteko lanak egiteko (klaseak prestatzeko, lanak eta azterketak zuzentzeko, irakaskuntzarako formaziorako [ikastaroak, berrikuntza proiektuak, irakaskuntza-metodologia berriak ikastea], irakasgaiari lotutako ikerkuntza...), kudeaketa/koordinaziorako (GAUR, egela... kudeaketa, koordinazio bilerak beste irakasleekin, arlo/sailaren bilerak, beste erabaki-organoetan partehartzea...) eta tutoretzetarako.

Lau orduko kontratuetan (irakaskuntzaren erdian), beharrezko aktibitate hauek kontuan hartua, arduraldia honako hau izango litzateke: $4 + (4 \times 3,5) = 18$ ordu.

Erlazio bera erabilita:

Hiru orduko kontratuetan: 13,5 ordu

Bost orduko kontratuetan: 22,5 ordu

Sei orduko kontratuetan: 27 ordu

1c- Ahalbidetu orain arte bezala Sail berean gertatzen diren ordezkapen behar ezberdinak elkartu eta arduraldi osoko edo partzialtasun handiago kontratuak egitea

2- 41/2008 Dekretua aldatu, EHUko Irakasle-Ikertzailleon soldatak finkatzen dituen, irizpide berriak, oinarrizko soldata berriak eta ordezekoentzako soldaten estimazio berriak txertatzeko. Eusko Jaurlaritzari eskaera luzatu EHUko zuzendaritzaren partetik.



3- LOSUk ordezeko irakasleei ikerketa aitortzen ez badie ere, **EHUk erraztu behar du ikerketa garatzea** ikertu nahi duten irakasleei. Zentzu horretan, kontratua duten bitartean ikerketari lotutako formazio-ikastaroetan parte hartzea ahalbidetu behar die eta ikasturte bat baino gehiagorako ordezkapenetan ikerketa deialdietan parte hartzea ahalbidetu behar die, proiektuan beste lankideren bat egongo dela behin bermatuta (proiektua bukatuko denerako kontratua izango duena). Era berean, emaitzen zabalkunderako (kongresuak, argitalpenak, jardunaldiak...) deialdietan ere parte hartzekoa aukera emango zaie.

Ikerketan parte hartu ahal izateko neurriak zehaztu beharko lirateke, helburua argi izanda: ordezkapen luzeetarako (gutxienez urte bat) kontratatutako irakasleei ikerketa egitea erraztea.

4- **Osagarriak:** ordezkapenetan dauden irakasleei onartu behar zaie mota ezberdinetarako osagarriak eskatu eta kobratu ahal izatea (bosturtekoak, seiurtekoak, gainerako osagarriak) kontratua duten bitartean. Kontraturik gabe geratzen badira, eten egingo litzateke osagarri horien ordainketa, baina IRI kontratu bat berriz sinatzen badute, osagarri horiei dagokien kopurua jasoko lukete nomina bakoitzean.

5- EHUk LOSUren **aldi baterako 8. xedapena baliatu** behar du egoera horretan egon diren **ordezko irakasle ez doktorek** (5 urteko lotura azken 7 urteetan) **doktoretza egiteko kontratua egiteko**. Modu horretan, doktore izango direnean beste lan-kategoria batera lehiatu ahal izango dute.



* JARDUERA AKADEMIKOEN BANAKETA

Lanaldi osoko irakasle-ikertzaileek urteko lanaldiaren zati bat (200 eta 300 ordu urtean) erabiliko dute oinarrizko gestio zereginetan, ezinbestekoak unibertsitateko sail, ikastegi, zerbitzu eta egituren funtzionamendu egokirako. Besteak beste:

- Sailen, institutuaren, ikastegien... bilerak.
- Sailtako, ikastegietako... batzordeen koordinazioa eta batzordekide izateak dakartzan zereginak.
- Eskabideak betetzea eta txostenak egitea.
- Irakasgaietan, moduluetan, ikasturtean edo tituluetan egin beharreko oinarrizko koordinazio lanak egitea.
- Irakaskuntza gidak eguneratzea/egokitzea.

Gainera, ezinbestekotzat jotzen da lanaldi osoko irakasle-ikertzaileek lanaldiaren beste zati bat (300 eta 400 ordu artean) erabiltzea prestakuntza eta eguneratze lanetan, beharrezkoak irakasleen ezagutzak eta trebetasunak mantentzeko. Besteak beste:

- Ikastaroetara, kongresuetara eta batzarretara joatea.
- Informazioa bilatzea, liburuak eta artikuluak irakurtzea.
- Irakaskuntza materialak egokitzea.
- Komunikazioak batzarretan edo jardunaldietan.
- Ikertaldean jardueretan parte hartzea.

Bestetik, oro har, irakasle-ikertzaile hauek 250 ordu eskaini behar dizkiete oinarrizko irakaskuntza eta ikerketa jardueri, tutoretzak barne, eta beste 550 ordu, beste ikerketa eta transferentzia lan batzuei.

Ez badira egiten gestio, prestakuntza edo irakaskuntza eta ikerketako oinarrizko jarduera horiek, dagokion organoak (sailak, institutuak, ikastegiak) txosten bat egingo du, eta organo eskudunak, hala badagokio, informazio espedientea ireki ahal izango du. Txosten negatiboa egiteko erabiliko diren irizpide orientagarrien artean, honako hauek aipa daitezke:

- Ez parte hartzea sailaren, arloaren edo irakasgaiaren jardueren % 85ean.
- Uko egitea sailaren zuzendaritzak agindutako zereginari: irakasgaiaren koordinazioa, arloko batzordea, plazen epaimahaiak, poltsen batzordeak, erreklamazioen batzordeak, ...

Kontuan izanik ordu horiek guztiak, lanaldi osoko irakasle-ikertzaileek 1.300 ordu inguru erabili behar dituzte zuzeneko irakaskuntzarekin bat ez datorren zeregin multzo batean. Horregatik guztiatik, oro har eta bat etorritik USLOn ezarritakoarekin, 240 ordu gordetzen dira ikasturte berean egin beharreko eskola jarduerarako (eskola orduak ikasgelan, laborategian, mintegian edo kanpoko nahitaezko praktiken, practicumaren edo jarduera dualaren tutoretzan), eta 120 ordu/ikasturtera murriz daiteke lanaldi hori, baldin eta UPV/EHUren estrategiarekin bat datozen lan gehigarriak egiten badira gestioan, irakaskuntzan, ikerketan edo transferentzian.

USLOk irakasleen lanaldiak ordutan adierazten baditu ere, irakaskuntza kreditua hartuko da unitatetzat dokumentu honen zati handi batean. Oro har, lanaldi osoko irakasle-ikertzaileentzat, 24 kreditu izango ditu ikasturte osoko irakaskuntza lanaldiak. Beraz, baliokidetasuna eginez, irakasleak 10 eskola ordu egin behar ditu ECTS kreditu bakoitzeko. Asteko orduen eta kredituen arteko korrespondentzia kalkulatzeko, kontuan hartzen dira 15 eskola asteko bi lauhileko, irailaren 1etik maiatzaren 31ra. Praktikan, biribiltze bat egin ohi denez, aurretik aipatutakoak esan nahi du oro har zertxobait txikiagoa izango dela benetan emandako eskola orduen kopurua USLOk ezarritako mugak baino (jaiegunak eta beste gorabehera batzuk deskontatuta).